

四庫全書

史部

欽定四庫全書

史記正義卷二十二

唐 張守節 撰

漢興以來將相名臣年表第十 史記二十二

大事記

相位

將位

御史大夫位

高皇帝元

春沛公為漢王之
南鄭秋還定雍

一 丞相蕭何守
漢中

年

御史大夫周苛
守滎陽

二 立太子

春定塞翟魏河南
韓殷國夏伐項籍
至彭城還據滎陽

二 守關中

一 太尉長安侯盧
綰

三

魏豹反使韓信別
定魏伐趙楚圍我
滎陽

三

二

四

使韓信別定齊及
燕太公自楚歸與
楚界洪渠

四

三

御史大夫汾陽侯

周昌

五 入都國中

冬破楚垓下殺項
籍春王踐皇帝位
定陶

五

四

後九月綰為燕
王

六

尊太公為太上皇劉
仲為代王立大市更
命咸陽曰長安

六

封為鄭侯張敖
為計相

七

長樂宮成自櫟陽徙長
安伐匈奴匈奴聞我平
城

七

八

擊韓信反虜於趙城貫
高作亂明年覺誅之匈奴
攻代王代王棄國亡
廢為卻陽侯

八

九

未央宮成置酒前殿太
上皇輦上坐帝奉玉卮
上壽曰始常以臣不如
仲力今臣功孰與仲多
太上皇笑殿上稱萬歲
徙齊田楚昭屈景于關
中

九
遷為國相

十

太上皇崩陳絳反代地

十

御史大夫江邑
侯趙堯

御史大夫昌為
趙丞相

十一

誅淮陰彭越黥布反

十一

周勃為大尉攻
伐後官者

十二

冬擊布還過沛夏上崩十二
置長陵

孝惠元

年

趙隱王如意死始作長
安城西北方除諸侯丞
相為相 十三

二

楚元王 十四
齊悼惠 蕭何卒 七月癸巳齊相平
王來朝 幸甘泉 陽侯曹參為相國

三

初作長安城渭南氏反二
擊之

四

三月甲子赦無所復三
作

五	<p>為高祖立廟於沛城 成置歌兒一百二十人</p> <p>幸幸 目目</p>	六	<p>七月齊悼惠王薨立太倉西市八月赦齊</p>	七	<p>上崩大臣用張辟彊計呂氏權重以呂台為呂王立少帝已卯葬安陵</p>	高后元年	<p>王孝惠諸子置孝悌力田</p>	<p>四</p> <p>十一月乙巳安國侯王陵為右丞相十月己巳曲逆侯陳平為左丞相</p> <p>二</p> <p>三 十一月甲子徙平為右丞相 辟陽侯審食其為左丞相</p>		<p>廣阿侯任敖為御史大夫</p>
---	--	---	-------------------------	---	------------------------------------	------	-------------------	--	--	-------------------

二	十二月呂王台薨子 嘉代立為呂王行八 銖錢	四	平	二	食其	平陽侯曹窋一 木為御史大夫 在六年
三		五	三			
四	廢少帝更立常山王 弘為帝	六	四	一	絳侯周勃為太尉	
五	八月淮陽王薨以其 弟靈闕侯武為淮陽 王令戊卒歲更	七	五	二		
六	以呂產為呂王四月 丁酉赦天下晝昏	八	六	三		
七	趙王幽死以呂祿為 趙王杲王徙趙自殺	九	七	四		

八

七月高后崩
九月誅諸呂
後九月代王
至踐位皇帝

御史大夫蒼

十

七月辛巳為帝太
傅九月丙戌復為
丞相

八

五

隆慮侯竈為將軍擊
南越

御史大夫蒼

孝文
元年

除收掣相坐律立太子
賜民爵

十一

十月辛巳平徒為左
丞相太尉絳侯周勃
為丞相

六

勃為相願陰侯灌嬰
為太尉

二

除誹謗律皇
子武為代王
參為太原王
勝為梁王

十一月乙亥絳侯勃
復為丞相

一

十一月乙亥絳侯勃
復為丞相

一

<p>三</p> <p>徙代王武為 淮陽王上幸 太原齊北王 反匈奴大入 上郡以地盡 與太原太原 更號代</p> <p>國之 財 皆去 耳目 一十</p>	<p>一</p> <p>十二月乙 亥太尉頤 陰侯灌嬰 為丞相</p> <p>忠信 之</p>	<p>二</p> <p>棘薄侯陳武為大將軍 擊濟北昌侯盧卿共侯 盧罷師寧侯邀游澤 侯將夜皆為將軍屬 武和侯賀將兵屯潁陽</p>
<p>四</p> <p>辛酉己二月二十</p>	<p>一</p> <p>正月甲午御史大夫 侯張蒼為丞相</p>	<p>安丘侯張說為將軍 擊胡出代</p> <p>關中侯中屠嘉 為御史大夫</p>
<p>五</p> <p>除錢律民得鑄錢</p>	<p>二</p>	
<p>六</p> <p>廢淮南王遷嚴道道 死雍</p>	<p>三</p>	
<p>七</p> <p>四月丙子初置南陵</p>	<p>四</p>	
<p>八</p> <p>幸少卿侯陸 幸</p>	<p>五</p>	

九	溫室鍾自鳴以並陽鄉 為霸陵	六			御史大夫敬
十	諸侯王皆至長安	七			
十一	上幸代地動	八			
十二	河決東郡金堤徙淮陽 王為梁王	九			
十三	除肉刑及田租稅律戍卒令	十			
十四	匈奴大入蕭關發兵 擊之及屯長安旁	十一		成侯董赤內史樂布昌 侯盛卿陰應侯竈竈 侯邀皆為將軍東陽侯 張相如為大將軍皆擊河 匈奴中尉周舍郎中令張 武皆為將軍屯長安旁	

十五

黃龍見成紀上始郊見
雍五帝

十二

十六

上始見渭陽五帝

十三

後元
元年

新垣平詐言方士覺
誅之

十四

二

匈奴
和親
地動

八月庚午御史大夫
中屠嘉為丞相封侯

十五

御史大
夫青

三

置谷口邑

二

四

五

上幸雍

四

六

匈奴三萬人入上郡
一萬人入雲中

五

以中大夫令免為車騎
將軍卑飛狐故楚相蘊意
為將軍軍句注將軍張武
屯北地河內守周亞夫為
將軍軍細柳宗正劉禮
軍霸上祝茲侯徐厲軍
棘門以備胡數月朔去
亦罷

七

六月己亥孝文皇帝
崩其年乙未太子喪出
臨三日葬霸陵

六

中尉亞夫為車騎將軍
郎中令張武為復土將
軍屬國捍為將屯將軍
詹事戎奴為車騎將軍侍
太后

孝景
元年

立孝文皇帝廟郡國為
太宗廟

七

是歲
是歲

<p>二</p> <p>立皇子德為河間王閼為臨江王餘為淮南王非為汝南王彭祖為廣川王發為長沙王四月申孝文太后崩</p> <p>左</p>	<p>三</p> <p>吳楚七國反發兵擊皆破之皇子端為膠西王勝為中山王</p>	<p>四</p> <p>立太子</p>	<p>五</p> <p>置陽陵邑</p> <p>幸景張敖</p>	<p>六</p> <p>徙廣川王彭祖為趙王</p>
<p>八</p> <p>開封侯陶青為丞相</p>	<p>二</p> <p>尉</p>	<p>三</p>	<p>四</p>	<p>五</p>
<p>御史大夫錯</p>	<p>中尉條侯周亞夫為太尉吳楚曲周侯鄭寄為大將軍擊趙實擊為大將軍屯滎陽繇布為大將軍擊齊</p>	<p>二</p> <p>太尉亞夫</p>	<p>三</p>	<p>四</p>
<p>御史大夫錯</p>	<p>御史大夫</p>	<p>御史大夫</p>	<p>御史大夫</p>	<p>御史大夫</p>

七

廢太子榮為臨江
王四月丁巳膠東王
立為太子

相

六月乙巳
太尉條侯
亞夫為丞
相

相

五
遷為丞相

御史大夫舍

中元
元年

二

二

皇子趙為廣川王寄
為膠東王

三

三

皇子乘為
清河王

相

四
御史大夫挑侯劉
舍為丞相

御史大夫館

四

臨江王微自殺葬藍
田縣數萬為衛土置
冢上

二

五

皇子辟為常山王

三

<p>六</p> <p>梁孝王武薨分梁為五國王諸子子買為梁王明為濟川王彭彭離為濟東王定為山陽王不識為濟陰王</p>	<p>後元元年</p> <p>五月地動七月乙巳日蝕</p> <p>五</p> <p>八月壬辰御史大夫建陵侯衛綰為丞相</p>	<p>二</p> <p>正月甲子孝景崩二月丙子太子立</p>
<p>四</p>	<p>御史大夫不疑</p>	<p>三</p> <p>辛酉六月</p>

孝武建元
元年

親其侯

寶嬰為

尉太尉
武安侯田蚡為太尉

御史大夫抵漢
表云牛抵

二

置茂陵

二月乙未

太常柏王
侯許昌為
丞相

尉太尉
羅太尉
太尉

御史大夫趙綰

三

東甌王廣武侯望率
其家四萬餘人來降
處廬江郡

二

四

三

御史大夫青翟

五

行三分錢

四

六	元光元年	二	三	四
正月閏越王反孝景太后崩		帝初之雍郊見五時	五月丙子決河於縣子	十二月丁亥北動
五 六月癸巳武安侯田蚡為丞相	二	三	四	五 平棘侯薛澤為丞相
御史大夫桑羊		夏御史大夫韓安國為護軍將軍衛尉李廣為驍騎將軍太僕公孫賀為輕車將軍大行王恢為將屯將軍太中大夫李息為材官將軍臧單于馬邑不合誅恢		
御史大夫安國				御史大夫歐

五

十月族灌夫家奔魏
其侯市

六

南夷始置郵亭

三

太中大夫衛青為車
騎將軍出上谷衛尉
李廣為驍騎將軍出
鴈門太中大夫公孫
敖為騎將軍出代太
僕公孫賀為輕車將
軍出雲中皆擊匈奴

四

車騎將軍青出鴈門
擊匈奴衛尉韓安國
為將屯將軍軍代明外
屯漁陽卒

元
朔
元年

衛夫人立為皇后

二

五

春車騎將軍衛青出雲
中至高闕取河南地

三

匈奴敗代太守友

御史大夫弘

四

匈奴入寇襲代上郡

七

五

匈奴

敗代

都尉

朱英

賊殺

八

十一月乙丑

御史大夫公

孫弘為丞

相封平津侯

春長平侯衛青為大

將軍擊右賢衛尉蘇

建為游擊將軍屬青

左內史李沮為強弩將

軍太僕賀為車騎將

軍代相李蔡為輕車將

軍岸頭侯張次公為將

軍大行息為將軍皆

屬大將軍擊匈奴

六

元狩
元年

十月中淮南王
安衡山王賜謀
反皆自殺國除

二

大將軍青再出定
襄擊胡合騎侯公
孫敖為中將軍太
僕賀為左將軍郎
中令李廣為後將
軍俞侯趙信為將
軍敗降匈奴衛尉
蘇建為將軍敗身
沮為殫弩將軍
脫皆屬青左內史

御史大夫蔡

二

匈奴入鴈門代郡江都王建反膠東王子慶立為六安王

四

冠軍侯霍去病為驃騎將軍擊胡至祁連山合騎侯敖為將軍出北地博望侯張騫郎中令李廣為將軍出右北平

御史大夫湯

三

匈奴入右北平定襄

四

三

大將軍青出定襄郎中令李廣為前將軍太僕公孫賀為左將軍主蕭趙食其為右將軍平陽侯曹襄為後將軍擊單于

五

殺自漢國景帝

四 太子少傅武彊侯
莊青翟為丞相

六

四月乙巳皇子闕為二
齊王旦為燕王胥為
廣陵王

元鼎元年

二

殺自罪有翟青

四 太子太傅高陵
侯趙周為丞相

殺自罪有翟青
御史大夫度

三

二

四

三

立常山憲王子平
為真定王商為泗
水王六月中河東
汾陰得寶鼎

五	六	二	三
三月中南 越相嘉反 殺其王及 漢使者	十二月東越反		
四 九月辛巳御史 大夫石慶為丞 相封牧丘侯	二	三	五
衛尉路博德為伏波 將軍出桂陽主討楊 僕為樓船將軍出豫 章皆破南越	故龍額侯韓說為橫 海將軍出會稽樓船 將軍楊僕出豫章中 尉王溫舒出會稽皆 破東越	秋樓船將軍楊僕左 將軍荀彘出遼東擊 朝鮮	
		御史大夫寬	

天漢元年

四

御史大夫卿

二

五

三

六

御史大夫周

四

七

春貳師將軍李廣利
出朔方至余吾水上
游擊將軍韓說出五
原因打將軍公孫敖
擊匈奴

大始元年

二

八

九

三	四	征和元年	二	三
		元帝 元帝 元帝	七月壬午太子 發兵殺游擊將 軍說使者江充	新 六月 劉屈氂 劉屈氂
十	十一	十二	三月丁巳涿郡太 守劉屈氂為丞相 封彭城侯	二
				春貳師將軍李廣 利出朔方以兵降 胡重合侯莽通出 酒泉御史大夫商 丘成出河西擊匈 奴
御史大夫勝之			御史大夫成	

四

六月丁巳大鴻臚
田千秋為丞相封
富民侯

後元元年

二

三

二月己巳光祿大夫
霍光為大將軍博陸
侯都尉金日磾為車
騎將軍殺侯太僕安
陽侯上官桀為大將
軍

孝昭

始元
元年

四

辛卯
九月

二

五

三

六

四	五	六	元鳳元年	二	三
七	八	九	十	十一	十二
三月癸酉衛尉王莽為左將軍騎都尉上官安為車騎將軍			九月庚午光祿勳張安世為右將軍		十二月庚寅中郎將范明友為度遼將軍擊烏丸
			御史大夫訢		

四	辛卯三月 秋三月 壬戌	三月乙丑御史大夫王訢為丞相封富春侯	御史大夫楊敞
五	辛卯三月 庚戌	二	
六		十一月乙丑御史大夫楊敞為丞相封安平侯	九月庚寅衛尉平陵侯范明友為度遠將軍擊烏丸
元年 元平	辛卯 九月	九月戊戌御史大夫蔡義為丞相封陽平侯	四月甲申光祿大夫龍頤侯韓魯為前將軍五月丁酉水衡都尉趙充國為後將軍右將軍張安世為車騎將軍
			御史大夫昌水侯田廣明

孝宣

本始元年

二

三

三月
戊子
崩
皇后

三月
戊子
崩
皇后

六月甲辰
長信
少府
卿
賢為丞
相封扶
陽侯

三月
戊子
崩
皇后

七月庚寅御史大夫
田廣明為祁連將軍
龍頤侯韓曾為後將
軍營兵侯趙充國為
蒲類將軍度遠將軍
平陵侯范明友為雲
中太守富民侯田順
為虎牙將軍皆擊匈奴

御史大夫魏相

四 十月乙卯立霍后	二		
地節元年	三		
二	四 二月丁卯侍中中郎 將軍霍禹為右將軍		
三 立太子 太師 中山王	六月壬辰御史 大夫魏相為丞 相封高平陵	七月安世為大司 馬衛將軍禹為大 司馬	御史大夫邴吉
四	二 御史大夫 王吉		
元康元年	三		
二	四		

<p>三</p> <p>五</p>	<p>四</p> <p>六</p> <p>古也并 華四月八</p>	<p>神爵 元年</p> <p>上郊甘泉太畤 汾陰后土</p> <p>七</p> <p>四月樂成侯許延壽 為強弩將軍後將軍 充國擊羌酒泉太守 辛武賢為破羌將軍 韓曾為大司馬車騎 將軍</p>	<p>二</p> <p>上郊雍五畤殺 祠出寶璧玉器</p> <p>八</p>	<p>三</p> <p>古也并三</p> <p>四月戊戌御史大 夫邴吉為丞相封 博陽侯</p> <p>御史大夫望之</p>
-------------------	---------------------------------------	---	--	---

四	五鳳元年		三	四	二	四
			正月嘉	四月	三月	五月延壽為大司馬車騎將軍
			三月壬申御史大夫黃霸為丞相封建成侯	五月	五月	御史大夫霸
三			甘露元年	二	三	御史大夫延年
二			救殊死賜高年及鰥寡孤獨帛女子牛酒	三	四	御史大夫定國

三	四	黃龍元年	孝元初元年	二	三
<p>光緒五年己月三</p>					
<p>七月丁巳御史大夫于定國為丞相封西平侯</p>	二	三	四	五	六
<p>太僕陳萬年為御史大夫</p>		<p>樂陵侯太子長為大司馬車騎將軍太子太傅蕭望之為前將軍</p>			<p>十二月執金吾馮奉世為右將軍</p>

四

七

五

八

永光
元年

元
光
十
月
定
國

九

九月
十月
十一月
十二月

九月衛尉平
昌侯王接為
大司馬車騎
將軍

元
光
十
月
定
國

七月太子太
傅韋玄成為
御史大夫

二

三月
戊
朔
日
食

二月丁酉御史大
夫韋玄成為丞相封
扶陽侯丞相賢子

七月太常任千秋為
奮武將軍擊西羌雲
中太守韓次君為建
威將軍擊羌後不行

二月丁酉右
扶風鄭弘為
御史大夫

二月丁巳平恩侯許
嘉為左將軍

中少府貢禹
為御史大夫
十二月丁未
長信少府薛
廣德為御史
大夫

三	二	右將軍平恩侯許嘉 為車騎將軍侍中光祿大夫樂昌侯王商 為右將軍右將軍馮奉世為左將軍			四	三	
五	四		建昭元年	五		二	光祿勳匡衡 為御史大夫
三	六	先		七月癸亥御史大夫匡衡為丞相封樂安侯	衛尉繁延壽 為御史大夫	六月 戊辰 壬戌	

四		三月甲申右將軍 樂昌侯王商為右 丞相	任千秋為右 將軍長樂 衛尉史丹 為右將軍	少府張忠為 御史大夫
河平元年		二		
二		三		
三		四	十月辛卯史丹為左 將軍太僕平安侯王 章為右將軍	
四	光 前月 相四 丞	六月丙午諸吏 散騎光祿大夫 張禹為丞相		
陽朔元年		二		

二

三

辛酉

六月太僕王音
為御史大夫

三

九月甲子御史大夫王
音為車騎將軍

十月乙卯光
祿勳子永為
御史大夫

四

辛酉
車騎將軍
光祿勳子永
為御史大夫

閏
壬戌月

鴻嘉元年

三月

四月庚辰薛宣為
丞相

史記正義卷二十二

欽定四庫全書

史部

史記正義卷二十三至二十六

詳校官編修臣李如筠

欽定四庫全書

史記正義卷二十三

唐 張守節 撰

禮書第一

天地位日月明四時序陰陽和風雨節羣品

滋茂萬物宰制君臣朝儀尊卑貴賤有序咸謂之禮經六籍咸謂之書故曲禮云道德仁義非禮不成教訓正俗非禮不備分爭辯訟非禮不決云云

史

記二十三

太史公曰洋洋美德乎宰制萬物役使羣衆豈人力也

哉

言天地宰制萬物役使羣品順四時而動咸有成功豈藉人力營為哉是美善盛大衆多之德也故孔子

曰四時行焉
百物生焉

余至大行禮官觀三代損益乃知緣人情

而制禮依人性而作儀其所由來尚矣人道經緯萬端

規矩無所不貫誘進以仁義束縛以刑罰故德厚者位

尊祿重者寵榮所以總一海內而整齊萬民也人體安

駕乘

時證反

為之金輿錯衡以繁其飾

為于偽及錯作總七公反

目好五色為之

黼黻文章以表其能耳樂鐘磬為之調諧八音以蕩其心口

五味為之庶羞酸醎以致其美情好珍善為之琢磨圭璧以

通其意故大路越席

按括草蒲草越戶括反

皮弁布裳

以鹿子皮為弁也按裳積素而為裳

也朱紘洞越大羹玄酒所以防其淫侈救其彫敝是以

君臣朝廷尊卑貴賤之序下及黎庶車輿衣服宮室飲食嫁娶喪祭之分事有宜適物有節文仲尼曰禘自既灌而往者吾不欲觀之矣周衰禮樂壞大小相踰管仲之家兼備三歸循法守正者見侮於世奢溢僭差者謂之顯榮自子夏門人之高弟也猶云出見紛華盛麗而說入聞夫子之道而樂二者心戰未能自決而況中庸以下漸漬於失教被服於成俗乎孔子曰必也正名於

衛所居不合仲尼沒後受業之徒沈湮而不舉或適齊

楚或入河海

論語云大師摯適齊亞飯干適楚鼓方叔入于河少師陽摯磬襄入于海魯哀公時

禮樂崩人皆去也

豈不痛哉至秦有天下悉內六國禮儀采擇

其善雖不合聖制其尊君抑臣朝廷濟濟依古以來

秦採

擇六國禮儀尊君抑臣朝廷濟濟依古以來典法行之

至于高祖先有四海叔孫

通頗有所增益減損大抵皆襲秦故自天子稱號

稱尺證反

下至佐僚及宮室官名少所變改孝文即位有司議欲

定儀禮孝文好道家之學以為繁禮飾貌無益於治躬

化謂何耳

孝文本紀云上身衣弋絺所幸慎夫人令衣不曳地悻悻不得文繡治霸陵皆以瓦器是

躬化節儉謂何嫌耳不須繁禮飾貌也

故罷去之孝景時御史大夫鼂錯

明於世務刑名數千諫孝景曰諸侯藩輔臣子一例古

今之制也今大國專治異政不廩京師恐不可傳後孝

景用其計而六國畔逆

吳楚趙菑川濟南膠西謂六國也齊孝王狐疑城守三國兵圍

齊齊使路中大夫告天子不言七國也

以錯首名天子誅錯以解難

上紀賈反

下乃悻反

事在表盎語中是後官者養交安祿而已莫敢復

議今上即位招致儒術之士令共定儀十餘年不就或

言古者太平萬民和喜瑞應辨至

辨音

乃采風俗定制

作上聞之制詔御史曰蓋受命而王各有所由興殊路
而同歸謂因民而作追俗為制也議者咸稱大古百姓
何望漢亦一家之事典法不傳謂子孫何化隆者閎博
治淺者褊狹可不勉與乃以太初之元改正朔易服色
封泰山定宗廟百官之儀以為典常垂之於後云禮由
人起人生有欲欲而不得則不能無忿忿而無度量則
爭音爭則亂先王惡其亂故制禮義以養人之欲給人

之求使欲不窮於物物不屈於欲

屈羣物反

二者相待而長

是禮之所起也故禮者養也稻粱五味所以養口也椒

蘭芬苴所以養鼻也鐘鼓管絃所以養耳也刻鏤文章

所以養目也疏房牀第所以養體也

疏謂寬也第側里反

故禮者

養也君子既得其養又好其辨也所謂辨者貴賤有等

長少有差貧富輕重皆有稱也故天子大路越席所以

養體也

謂蒲華為席既潔且柔潔可以祀神柔可以養體也

側載臭苴所以養鼻

也前有錯衡所以養目也和鸞之聲

皇品云鸞以金為鸞懸鈴

其中於衛上以為遲疾之節所以正威儀行舒疾也步中武象驟中韶護所以養

耳也

步猶緩車則和驚之音中於武象驟車中於韶護也龍旗九旂所以養信也

旂音旒

寢兕持虎鮫韞

兕音似爾雅云兕似牛

彌龍所以養威也故

大路之馬必信至教順然後乘之所以養安也孰知夫

士出死要節之所以養生也

夫音扶要音腰孰知猶審知也出死猶處死也審知

志士推誠處死要立名節若曹沫茅焦所以養生命也

孰知夫輕費用之所以養

財也

費音芳味反輕猶薄言審知勘薄費用則能畜聚所以養財貨也

孰知夫恭敬辭

讓之所以養安也

言審知恭敬辭讓所以養體安身

孰知夫禮義文理

之所以養情也

言審知禮義文章道理所以養其情性人此四科是儒者有禮義故兩得之也

苟生之為見若者必死

且若如此也言平凡好生人且見操節之士以禮義處死養

得其生有効如此者必死也

苟利之為見若者必害

言平凡好利之人且見利義之

士以輕省費用養得其財有効如此者必害身

怠惰之為安若者必危

情徒卧反

言平凡怠惰之人且有見禮之士以恭敬禮讓養得安樂有効如此者必危亡也

情性之為安若

者必滅

勝音叔證反言平凡好勝之人目見利之士禮義文理養得情有効如此者必滅亡也此四科

是墨者無禮義故兩失之也

故聖人一之於禮義則兩得之矣一之於情性

則兩失之矣故儒者將使人兩得之者也墨者將使人

兩失之者也是儒墨之分

分音扶問反分猶等也若儒等而是治辯之極疆固之本

威行之道功名之總則天下歸矣

治辨之極也疆固之本也

固堅固也言國以禮

義四方欽仰無有攻伐故為疆而且堅固本也

威行之道也

以禮義導天下天下伏而歸之故為

威行之道也

功名之總也

以禮義率天下天下咸導之故王為功名之總也合也聚也

公由之

由禮義也

所以一天下臣諸侯也弗由之所以捐社

稷也故堅革利兵不足以為勝高城深池不足以為固

嚴令繁刑不足以為威由其道則行不由其道則廢楚

人鮫革犀兕所以為甲堅如金石宛之鉅鐵

宛城今鄧州南陽縣

城是音於元
反鉅劉鐵也

施鑽如蠶蠶輕利剽邀

上匹妙反下音速剽邀疾也

卒

如燂風

卒村忽反燂必遙反燂風疾也

然而兵殆於垂涉唐昧死焉莊

蹻起楚分而為四

以起字為絕句或云楚莊王苗裔也括地志云師州黎州在京西南五千

六百七十里戰國楚威王時莊蹻王滇則為滇國之地
楚昭王徙都郡莊蹻王滇楚襄王徙都陳楚考烈王徙

都壽春咸被秦逼乃四分也然昭王
雖在莊蹻之前故荀卿兼言之也

參是豈無堅革利

兵哉

參七舍反言蹻楚國豈無堅甲利兵哉為其不由禮義故衆分也

其所以統之者

非其道故也汝潁以為險

括地志云水源出汝州魯山縣西伏牛山亦名猛山汝水

至豫州鄆城縣名潁水爾雅云河有淮汝有墳亦汝之
別名潁水源出洛水嵩高縣東南三十五里陽乾山俗

名潁山地理志高陵山汝出東南至新蔡縣入淮陽乾江山潁水出東至更蔡入淮地江漢以為

池江即岷江從蜀入楚在荊州南漢江從漢中東南入江四水為楚之險固也阻之以鄧林

緣之以方城括地志云方城房州竹山縣東南四十一里其山頂上四面險峻山南有城長十餘里

名為方城也然而秦師至鄢郢舉若振槁鄢音鄢括地志即此山也然而秦師至鄢郢舉若振槁云古城在襄州

安養縣北三里古鄢子之國鄢之南鄢也又率道縣南九里有故鄢城漢惠帝改曰宜城也鄢城荊州江陵縣

東北六里即吳公子光伐楚楚平王恐城鄢者也又是楚武王始都鄢絕南故城是也在江陵北十五里也是

豈無固塞險阻哉其所以統之者非其道故也紂剖比

干囚箕子為炮烙刑殺無辜時臣下懷然莫必其命然

而周師至而令不行乎下不能用其民是豈令不嚴刑

不峻哉其所以統之者非其道故也古者之兵戈矛弓

矢而已然而敵國不待試而誣

誣邱勿反
試用也

城郭不集溝

池不掘

求勿反
又求厥反

固塞不樹機變不張然而國晏然不畏

外而固者無他故焉明道而均分之

分扶問反言明儒
墨之分使禮義均

等則下應之
如影響耳

時使而誠愛之則下應之如景響有不由

命者然後俟之以刑

事君以禮義民有不
由禮義者然
後待之以刑則民知
罪伏刑矣

則民知臯矣故刑一人而天下服臯人不尤其上知臯

之在已也是故刑罰省而威行如流無他故焉由其道故也故由其道則行不由其道則廢古者帝堯之治天下也蓋殺一人刑二人而天下治傳曰威厲而不試刑措而不

用天地者生之本也先祖者類之本也

類種也

君師者治

之本也無天地惡生

惡音鳥

無先祖惡出無君師惡治三

者偏亡則無安人

偏反

故禮上事天下事地尊先祖而

隆君師是禮之三本也故王者天太祖諸侯不敢懷大

夫士有常宗所以辨貴賤貴賤治得之本也郊疇乎天

子社至于諸侯函及士大夫所以辨尊者事尊卑者事卑宜鉅者鉅宜小者小故有天下者事七世有一國者事五世有五乘之地者事三世有三乘之地者事二世有特牲而食者不得立宗廟所以辨積厚者流澤廣積薄者流澤狹也大饗上玄尊俎上腥魚先大羹貴食飲之本也大饗上玄尊而用薄酒食先黍稷而飯稻粱祭饗先大羹而飽庶羞貴本而親用也貴本之謂文親用之謂理兩者合而成文以歸太一是謂太隆故尊之上

玄尊也

皇侃云玄酒水也上古未有酒而始之祭但酌水用之至晚世雖有酒存古禮尚用水代酒也

俎之上腥魚也豆之上大羹一也利爵弗啐也成事俎弗嘗也三宥之弗食也大昏之未廢齊也大廟之未內尸也始絕之未小歛一也大路之素幘也郊之麻纁喪服之先散麻一也三年哭之不反也清廟之歌一唱而三嘆縣一鍾尚拊膈朱絃而通越一也凡禮始乎脫成乎文終乎銳故至備情文俱盡

言情文俱盡言是禮之至備也

其次情

文代勝其下復情以歸太一天地以合日月以明四時

以序星辰以行江海以流萬物以昌好惡以節喜怒以當以

為下則順以為上則明

自天地以下八事大禮之備情文俱盡故用為下則順用為上則明也

太史公曰至矣哉立隆以為極而天下莫之能

益損也本末相順終始相應

應乙陵反應當也

至文有以辨

至察有以說天下從之者治不從者亂從之者安不從

者危小人不能則也

小人猶庶人也則法也言天下士以上至于帝王能從禮者則治安

不能從禮者則危亂庶人據於事不能法禮也禮之貌誠深矣

言禮之貌信深厚矣雖有鄰子

堅白同異之辨明察之於禮義之中自然懦弱敗壞之禮也

堅白同異之察入焉而

弱其貌誠大矣

言禮之貌信廣大矣雖有擅作典制褊陋之說文辭入於禮義之中自然成淫

俗褊陋之言

擅作典制褊陋之說入焉而嘆其貌誠高矣

禮言

之貌信尊高矣雖有暴慢恣睢輕俗以為高之屬入於禮義之中自然成墜落暴慢輕俗之人暴慢恣

睢輕俗以為高之屬入焉而墜故繩誠陳則不可欺以

輕重規矩誠錯

錯七故反

則不可欺以方員君子審禮則不

可欺以詐偽

詐偽謂堅白同異擅作典制暴戾恣睢自高也故陳繩曲直定懸衡輕重分錯規矩

方員自消滅矣

故繩者直之至也衡者平之至也規矩者方員

之至也禮者人道之極也然而不法禮者不足禮謂之

無方之民法禮足禮謂之有方之士禮之中能思索謂

之能慮能慮勿易

易謂輕易也

謂之能固能慮能固加好之

焉聖矣

好久到反言人以待禮之中又能思索索求其禮謂之能思慮又不輕易其禮謂之能堅固能

慮能固其禮更加好之乃聖人也

天者高之極也地者下之極也日月

者明之極也無窮者廣大之極也聖人者道之極也

謂道

禮義也言人有禮義則為聖人比於天地日月廣大之極也

以財物為用以貴賤為

文以多少為異以隆殺為要文貌繁情欲省禮之隆也

文貌省情欲繁禮之殺也文貌情欲相為內外表裏並

行而雜禮之中流也

言文飾情用表裏外內合於儒墨是得禮情之中而流行不息也

君子上致其隆下盡其殺而中處其中

中謂情文也

步驟馳

騁廣驚不外

騁音務言君子之人上存文飾下務減省而合情文處得其中縱有戰陣殺戮邪惡

則不棄於禮義矣三皇步五帝驟三王馳五伯驚也

是以君子之性守宮庭也

宮庭

聽朝處喻君子心內常守禮義若宮庭焉

人域是域士君子也

處平凡人域之中能知禮

義之域限即為士及君子也

外是民也於是中焉房皇周浹曲直得

其次序聖人也故厚者禮之積也大者禮之廣也高者

禮之隆也明者禮之盡也

言君子內守其禮德厚大積廣至於高尊明禮則是禮之

終竟也此書是褚先生荀卿禮論兼為之

史記正義卷二十三

欽定四庫全書

史記正義卷二十四

唐 張守節 撰

樂書第二

天有日月星辰地有山陵河海歲有萬物成熟國有聖賢宮觀周域官僚人有言語衣服

體貌端修咸謂之樂樂書者猶樂記也鄭元云以其記樂之義也按別錄目屬樂記蓋十一篇合為一篇十一篇者有樂本有樂論有樂施有樂言有樂禮有樂情有樂化有象法有賓年有師乙有魏文侯今雖合之亦畧有分焉劉向校書得書樂二十三篇著於史記二十四別錄今樂記雖有十二篇其名猶存也

太史公曰余每讀虞書至於君臣相敕維是幾安而股

肱不良萬事墮壞未嘗不流涕也成王作頌推已懲艾

刈悲彼家難

乃憚反家難謂文王因美里武王伐紂

可不謂戰戰恐懼善

守善終

言成王作頌悲文王戰戰恐懼推已戒勵為治是善守善終也

君子不為約則

修德

為于偽反

滿則棄禮佚能思初安能惟始沐浴膏澤而

歌詠勤苦非大德誰能如斯傳曰治定功成禮樂乃興

海內人道益深其德益至所樂者益異滿而不損則溢

盈而不持則傾凡作樂者所以節樂

音洛言不樂至荒淫也

君子

以謙退為禮以損減為樂樂其如此也以為州異國殊

情習不同故博采風俗協比聲律

比音鼻

以補短移化助

流政教天子躬於明堂臨觀而萬民咸蕩滌邪穢斟酌
飽滿以飾厥性故云雅頌之音理而民正嗷噉之聲興
而自奮鄭衛之曲動而心淫及其調和諧合鳥獸盡感
而況懷五常含好惡自然之勢也治道虧缺而鄭音興
起封君是辟

辟井亦反

名顯鄰州爭以相高自仲尼不能與

齊優遂容於魯雖退正樂以誘世作五章以刺時猶莫
之化也凌遲以至六國流沔沈佚遂往不反卒於喪身

滅宗并國於秦秦二世尤以為娛丞相李斯進諫曰放

棄詩書極意聲色祖伊所以懼也

祖伊諫殷紂紂不聽孔安國云祖乙後賢

臣也輕積細過恣心長夜紂所以亡也趙高曰五帝三王

樂各殊名示不相襲朝廷下至人民得以接歡喜合殷

勤非此和說不通解澤不流

說音悅解音蟹言非此樂和適亦悅樂之不通散恩

澤之事不流各一世之化也諫二世故名之也

亦各一世之化度時之樂何必

華山之騷耳而后行遠乎二世然之高祖過沛詩三侯

之章令小兒歌之高祖崩令沛得以四時歌儻宗廟孝

惠孝文孝景無所增更於樂府習常隸舊而已

隸音異

至

今上即位作十九章令侍中李延年次序其聲拜為協律都尉通一經之士不能獨知其辭皆集會五經家相與共講習讀之乃能通知其意多爾雅之文漢家常以正月上辛祠太一甘泉以昏時夜祠到明而終常有流星經於祠壇上使僮男僮女七十人俱歌春歌青陽夏歌朱明秋歌西皞冬歌玄冥

禮記月令云玄冥水官也

世多有故不論

又嘗得神馬渥洼水中復次以為太一之歌歌曲曰太

一貢兮天馬下

太一北極
太星也

霑赤汗兮沫流赭騁容與兮

跼萬里兮安匹兮龍與友後代大宛得千里馬馬名蒲

梢次作以為歌歌詩曰天馬來兮從西極經萬里兮歸

有德承靈威兮降外國涉流沙兮四夷服中尉汲黯進

曰凡王者作樂上以承祖宗下以化兆民今陛下得馬

詩以為歌協於宗廟先帝百姓豈能知其音邪上默然

不說丞相公孫弘曰黯誹謗聖制當族凡音之起由人

心生也

皇侃云此章有三品故名為樂本備言音聲所
起故名樂本夫樂之起其事有二一是人心感

樂樂聲從心而生一是樂人心之動物使之然也

物者外境

也外有善惡來觸於心則應感於物而動故形於聲聲

相應故生變

崔靈恩云緣五聲名自相應不足為樂故變使雜令聲音諧和也

變成方

謂之音

皇侃云單聲不足故變雜五聲使交錯成文乃謂為音也比音而樂之及干

戚羽旄謂之樂也

比音鼻次也音五音也言五音雖雜猶未足為樂復須次比器之音及文

武所執之物共相諧會乃是由音得樂者音之所由生

也

合音乃成樂是樂由音而生也其本在人心感於物也

本猶

初也物外境也言將欲明是故其哀心感者其聲噍以

樂隨心見故更陳此句也

殺

殺所介反噍蹶急也若外境痛苦則其心哀戚哀感在心故樂聲蹶急而殺也此下六者皆人君見前境

來感已而制樂音隨心見之也

其樂心感者其聲單以緩

單寬也若外境可美則其

心歡樂歡樂在心故樂聲必隨而寬緩也

其喜心感者其聲發以散

若外境會意其

心喜悅喜悅在心故樂聲發揚也

其怒心感者其聲麤以厲

若外境卑失故已心怒

謂怒隨心心隨怒而發揚故無輟破則樂聲麤彊而嚴厲也

其敬心感者其聲直以

廉

廉隅也若外境尊高故已心悚敬在內則樂聲直而有廉角也

其愛心感者其聲

和以柔

柔軟也若外境憐慕故已心愛惜愛惜在內則樂和柔也

六者非性也

性本靜寂

無此六事六事之生由應感見而動故云非性

感於物而後動是故先王慎所

以感之

六事隨見而動非關本性先王聖人在上故禮制正禮以防之故先王慎所以感之者也

以導其志樂以和其聲政以一其行

胡孟反

刑以防其姦

禮樂刑政其極一也

四事防慎所感之由也用禮教尊其志用世樂諧和其聲用法律齊

其行用刑辟防其凶民不復流僻徒感防之使同其一敬不為非也極至也

所以同民心而

出治道也

上四事功成民同其心俱不邪僻故治道出也民心所觸有前六者不同故聖人用後四

者制之凡音者生人心者也

此樂本章第二段明樂感人之心也人心即君人心也樂音

善惡由君上心之所好故云生於人心者也

情動於中故形於聲

情君之情也中猶心

也心既感物而動故形見於聲也

聲成文謂之音

謂之音清濁雖異各見於外成於文彩並

謂之是故治世之音安以樂其政和樂音洛言平理之世其樂音安靜而

歡樂也正政同也亂世之音怨以怒其政乖亂世之音民心怨怒樂聲亦怨由其

正乖僻亡國之音哀以思其民困思音四亡國謂將欲滅亡之國樂音悲哀

而愁思亡國之時民之心哀思其聲音之道與政通矣

政和則聲音安樂政乖則聲音怨怒是聲音之道與正通矣宮為君宮屬土居中

也商為臣角為民角屬木以其清濁中民之象徵為事徵屬火以其微清事之象

者羽為物五者不亂則無滯滯之音矣滯弊也滯敗也君臣民事物五

者各得其用不相壞亂則五音之響無弊敗也宮亂則荒宮亂則其聲放散其

君驕商亂則槌

商音亂其聲歌邪不正由其臣不理於官壞故也

其臣壞角亂則

憂

角音亂其聲憂愁由政虐民怨故也

其民怨徵亂則哀

徵音亂其聲哀苦由繇役不休

其民事勤勞

其事勤羽亂則危

羽音亂其聲傾危由君賦重於其民貧乏故也

其財

匱五者皆亂迭相陵謂之慢

迭互也陵越也五聲並不和則君臣上下互相陵越

所以謂之為慢也

如此則國之滅亡無日矣鄭衛之音亂世之

音也比於慢矣

鄭音好濫淫志衛國之音促速煩志並是亂世音雖亂而未滅亡故比慢也此

必以反

桑間濮上之音

昔殷紂使師延作長夜靡靡之樂以致亡國武王伐紂此樂師師延

將樂器投濮水而死後晉國樂師師涓夜過此水聞水中作此樂因聽而寫之既得還國為晉平公奏之師曠

撫之曰此亡國之音也得此必亡國之音也其政散其

民流誣上行私而不可止

若用此濮上之音其政必離散而民人流徙逃亡緣臣誣

上各行私情國即滅亡而不可禁止也

凡音者生於人心者也

此樂章第一二段也前

第一明人心感樂第二段明樂感人心此段聖人制正樂以應之此段自有二重自凡音至反人道為一重却應第二段樂感人心也又自人心生而靜至王道備矣為一重却應第一段人心感樂也樂者通於

倫理者也

音初生自君心形而成樂樂成則能通於百姓使各盡其類分故曰通倫理者也

是

故知聲而不知音者禽獸是也知音而不知樂者衆庶

是也唯君子為能知樂是故審聲以知音

聲為音本若欲知音當須

審定其聲然
後音可知

審音以知樂

音為樂本前審定其音然後可知樂也

審樂以

知政

樂為政本前審定其樂然後政可知也

而治道備矣

前審定其本後識其末則為治

之道乃可備矣

是故不知聲者不可與言音不知音者不可與

言樂知樂則幾於禮矣

禮謂治國之禮包萬事萬事備具始是禮極今知樂者但正君

臣民事物五者之情於禮未極故云幾於禮也

禮樂皆得謂之有德德者得也

若聽樂而知禮則是禮樂皆得二者備具則是有德之君也又言有德之人是能得禮樂之情故云德者得也

是故樂之隆非極音也

大樂之盛本在移風易俗非窮鐘鼓之音故云非極音也故樂

云樂云鐘鼓

食饗之禮非極味也

食音嗣食享謂宗廟祭也夫禮之盛本在

安上治民非崇玉帛至味故云非極味也故論語禮云禮云玉帛云乎哉是也清廟之瑟朱絃

而疏越一倡而三嘆有遺音者矣

倡音唱一唱謂一人始唱歌三嘆謂三人

讚嘆也樂歌此文王之道不極音聲故但以熟弦廣孔少唱寡和此音有德傳於無窮是有餘音不已一云所遺餘音念之不忘也

大饗之禮

大享即食享也變食言大崇其名故也不

尚重味故食言大也此言禮盛不作至味之事

尚玄酒

在祭之禮則列玄尊在上五齊在下也

而

俎腥魚

九俎有肴生腊是俎腥魚者生魚也俎雖有三牲而兼載生魚也

大羹不和

和胡

卧反大羹肉汁也祫祭有肉汁為羹無鹽菜之芼和也

有遺味者矣

遺亦餘也此者質素之食

禮人主誠設之道不極滋味故尚明水而腥魚此禮可重流芳竹帛傳之無已有餘味一云禮本在德不在甘

味故用水魚而遺味也

是故先王之制禮樂也非以極口腹耳目之

欲也將以教民平好惡而反人道之正也

一好火到反惡一故反平均

也言先王制禮作樂本是教訓澆民平於好惡之理故去惡歸善不為口腹耳目之欲令反歸人之正道也

人生而靜天之性也

此第三段第二重也人初生未有情欲其情欲至靜稟于自然是天

之性也

感於物而動性之頌也

其心雖靜感外情因物而動是性之貪慾也

物

至知知然後好惡形焉

上知音智

好惡無節於內知誘於外

不能反已天理滅矣

言好惡不自節量於心唯知情欲誘之於外不能反還已躬之善則

天性滅絕矣

夫物之感人無窮而人之好惡無節則是物至而

人化物也

夫物不一故言無窮也若人心嗜慾無度隨好惡不能節之則與之而化故云人化物

人化物也者滅天理而窮人欲者也

性而慾人心之欲心隨物化則滅天

也於是有悖逆詐偽之心有淫佚作亂之事是故彊者

脅弱衆者暴寡知者詐愚勇者苦怯疾病不養老幼孤

寡不得其所此大亂之道也是故先王制禮樂人為之

節哀麻哭泣

此以下並是陳禮節人之事也制五服哭泣所以紀喪事之節而不使背死忘生也

事死者難故以哀哭為前也

所以節喪紀也鐘鼓干戚所以和安樂

也婚姻冠笄所以別男女也

冠音貫笄音雞

射鄉食饗所以正

交接也禮節民心樂和民聲政以行之刑以防之禮樂刑

政四達而不悖則王道備矣樂者為同禮者為異

此第二章

名為樂論其中有四段此章論禮樂同異也夫樂使率土合和是同也禮使父子殊別是為異也

同則

相親異則相敬樂勝則流禮勝則離

勝式證反勝猶過也禮樂雖有同異

而又相須也若樂過而同而無禮則流慢無復尊卑之敬若禮過殊隔無樂則親屬離折無復骨肉之愛也

合情飾貌者禮樂之事也

樂和內是合情也禮揜迹是飾貌也

禮義立則

貴賤等矣樂文同則上下和矣

文謂聲成文也若作樂文未諧同則上下並和

是樂和民聲也好惡著則賢不肖別矣

好惡並去聲又並如字著張慮反若法律分明

善惡章著則賢愚斯別是政化行矣**刑禁暴爵舉賢則政均矣**

王者為用刑則禁制

暴慢疏爵以舉賞賢良則政治均平是刑以防之矣既是禁暴而又言舉祿者示刑最為重不宜獨行必須賞

罰兼明也然禮樂之用非**仁以愛之義以正之**如此則政不行明湏四事連行也

民治行矣

言禮樂刑政既均又湏仁以愛民義以正民如此則民順理正行矣

樂由中出

樂論第二段謂樂功也出猶生也為人在中和有未足故生此樂也

禮自外作

作猶起也為人

在敬有未足起此禮也

樂由中出故靜

樂和心在內故云靜

禮自外作故文

禮肅人貌貌在外故云動

大樂必易

易以疏越反朱

大禮必簡

玄酒腥魚是也

樂至則無怨禮至則不爭

樂行主和達則民無復怨怒也禮行主謙謙達則民不

也爭
競

揖讓而治天下者禮樂之謂也暴民不作諸侯賓

服兵革不試五刑不用百姓無患天子不怒如此則樂

達矣合父子之親

前云禮至不爭故致天下尊卑之序也禮使父慈子孝是合父子之親也

即父事
三老也

明長幼之序

長坐幼立是明長幼之序即凡事五更是也

以敬四海

之内

孝經云教以孝所以敬天下之為人父教以弟所以敬天下之為人兄教以臣所以敬天下之為人君

海即
之內
散也
四

天子如此則禮行矣

言天子能躬行禮則臣下必用禮如此則禮行

矣合父子以下悉自天子自身行之也

大樂與天地同和

此樂論第三段
論禮與樂唯聖

能識也言天地以氣氤氲合生萬物大樂之理
順陰陽律呂生養萬物是大樂與天地同和也

大禮與

天地同節

言天有日月地有山川高卑殊形生用各別大禮辯尊卑貴賤等差異別是大禮與天地

同節和故百物不失

樂與天地同和能生成性萬物節故祀天祭地禮與天地

生成同節有尊卑

明則有禮樂明猶外也言聖王能使上下報萬物之功

地同節又能顯明其禮樂以教人也

幽則有鬼神幽內也言聖王又能內敬鬼神助天地生成萬

物如此則四海之內合敬同愛矣

言行禮同節故四海同敬矣樂同和故四海同

愛禮者殊事合敬者也尊卑貴賤之別是殊事也樂者

異文合愛者也

宮商錯而成文隨事而制變是異文同以勸愛是合愛也禮樂之情

同故明王以相沿也

樂情主和禮情主敬致化是同以其致化情同故明王相因迷也

故事與時並

言聖王所為之事與所當之時並行也若堯舜揖讓之事與淳和之時並行湯武干

戈之事與澆薄之時並行此句明禮也

名與功偕

名謂樂名也偕俱也功者揖讓干戈之功也聖

王制樂之名與所建之功俱作也若堯舜樂名咸池大韶湯武樂名大護大武也

故鐘鼓管磬

羽籥干戚樂之器也

此陳樂事也鐘鼓之屬是樂之器有形質故為事也

詘信俯

仰級兆舒疾樂之文也

文飾之事也

簠簋俎豆制度文章禮

之器也升降上下周旋裼襲禮之文也故知禮樂之情

者能作

既能窮本知末知變又能著誠去偽所以能述作故謂之聖也

識禮樂之文者

能述

謂上文屈伸俯仰升降上下也

作者之謂聖

堯舜禹湯之屬是也

述者之謂

明

游夏之屬是也

明聖者述作之謂也樂者天地之和也禮者

天地之序也

此樂論第四段也謂禮樂之情也樂法天地之氣故云天地之和禮仲天地之形故

云天地之序禮樂從天地而來王和故百物皆化序故

羣物皆別樂由天作禮以地制

天用和氣化物物從氣化是由天作也地有高

下區分以生萬物禮有品節殊文是由地制也

過制則亂過作則暴明於天地

然後能興禮樂也

禮樂既不可誤故須明天地者乃可制作也

論倫無患樂

之情也

既云惟聖人識禮樂之情此以下更說其情狀不同也倫類也賀瑒云樂使物得類序而無害

是樂之情也

欣喜驩愛樂之容也

容猶事也賀瑒云八音克諧使物欣喜此樂之事迹

也 中正無邪禮之質也

明禮情也質本也禮以心內莊中正無有邪僻是禮之本

敬恭順禮之制也

明禮情之事也謂容貌莊敬謙恭謹慎是禮之節制也

若夫禮

樂之施於金石越於聲音用於宗廟社稷事于山川鬼

神則此所以與民同也

言四者施用祭祀隨世而異則前王所不專故文云則此所以

與民同言

王者功成作樂治定制禮

此第三章名禮樂章言明王為治制

禮作樂故名

禮樂章其中有三段一明禮樂齊其功

大者其樂備其治辨者其禮具

辨皮勉反又邊練反夫禮樂必由功治有小大

故禮樂應之而廣狹也若上世民淳易化故王者功治廣徧是以禮樂備也而殷周民澆難化故王者功治徧

狹則禮樂亦不具

千戚之舞非備樂也

證樂不備也千戚周武也樂以文德為備故用

朱絲踈越千戚之舞故非備樂也

亨孰而祀非達禮也

解禮不具也謂腥俎玄尊表誠

象古而已不在芬苾孰味是乃澆世為之非達禮也

五帝殊時不相沿樂三王異

世不相襲禮

庾蔚之云樂興於五帝禮成於三王樂興王者之功禮隨世之質文崔靈思云五帝

淳澆不同故不得相沿為樂三王文質之不等故不得相襲為同禮

樂極則憂禮粗則偏

矣及夫敦樂而無憂禮備而不偏者其唯大聖乎天高

地下萬物散殊而禮制行也

天高於上地卑於下萬物布散殊別於其中而大聖

制禮別異尊卑是衆大而行故云禮制行矣禮以節制為義故云禮制

流而不息合同而

化而樂興也

天地二氣流行不息合同氣氤化生萬物而大聖作樂合同人心是以象天地而起

故云樂興也

春作夏長仁也秋歛冬藏義也仁近於樂義近

於禮

近其新反春夏生長萬物故為仁愛樂主陶和萬性故仁近於樂也秋則殺歛冬則蟄藏並是義主

斷割禮為節限故義近於禮也

樂者敦和率神而從天

此釋仁近樂之義言樂之為體

敦厚和同因循聖人之神氣而從順於天

禮者辯宜居鬼而從地

此解義近禮之由居

鬼猶循神也鬼謂先賢也禮之為體尊卑殊別各有其宜因居先賢鬼氣而從順於地分別禮分

故聖

人作樂以應天作禮以配地禮樂明備天地官矣天尊

地卑君臣定矣

此禮樂章第二段也明禮樂法天地事也言君尊於上臣卑於下是象天地定

矣高卑已陳貴賤位矣動靜有常小大殊矣方以類聚

物以羣分則性命不同矣

性生也萬物各有嗜好謂之性命者長短天壽也所祖之

物既稟大小之殊故性命天壽不同也

在天成象在地成形

言日月星辰之光耀草木

鳥獸之體貌也如此則禮者天地之別也

結禮之別也此天地明聖制禮殊別是天地

地之分別也亦別辨

地氣上濟天氣下降

明禮樂法天地氣也天地

二氣之升降合而生物故樂以氣法也弦歌聲氣升降相合以教民也然氣從下升此樂象氣故從地始也形

以上尊故禮象形從天始也

陰陽相摩

二氣切磨而萬物生發作樂亦令聲氣切磨使民心生敬

也天地相蕩

天地八節蕩動也天地化物八節更相感動作樂亦令八音相感動也

鼓之

以雷霆

萬物雖以氣生而物未發故雷霆以鼓動之如樂用鐘鼓以發節也大雷曰霆

奮之以

風雨

萬物皆以風雨奮迅而出如樂用儻奮迅以象之使發人情也

動之以四時

萬物生

隨四時而動如樂各逐心內所須而奏之

煖之以日月

煖音喧遠反萬物之生必須日月煖照如

樂有蘊藉使人喧昭也蘊藉者歌不直言而長言嗟嘆之屬也

而百物化興焉如此則

樂者天地之和也

結樂之和也如此有聖人作樂法天地和同是樂者天地之和也亦是敦

和率神而從天地

化不時則不生

此禮樂章第三段明天地應於禮樂也前聖人既作禮樂

此明天地應樂也若人主行化失時天地應以惡氣毀物故云化不時則不生也

男女無別則

亂登

此明天地應禮也登成也若人君行禮男女無別則天地應而錯亂成之也

此天地之

情也

結隨禮得失而應之是天地之情也然樂是氣化故云害物禮是形教故言亂人也

及夫禮

樂之極乎天而蟠乎地行乎陰陽而通乎鬼神

言陰陽和四時

順以應禮樂禮樂與鬼神並助天地而成化也

窮高極遠而測深厚樂著太始

而禮居成物

著猶處也天為萬物之始故曰太始天蒼而氣化樂亦氣化故云處太始也成物地

也體盤薄長成萬物也在地成形禮亦形教故云居成也地卑故曰居天高故曰著也

著不息者

天也著不動者地也

此美禮樂配天地也著亦處也言樂氣處運生不息者配天也禮制尊

卑定位成養萬物處不移動者配地也

一動一靜者天地之間也

此美禮樂若分

則配天地若合則與百物齊一也靜動而生萬物稟天動地靜而生故呼百物為天地之間也故聖人

曰禮云樂云

引聖證此章也言聖人云明此一章是禮樂法天地也故言聖人曰禮云樂云樂動

禮靜其並用事如天地間物有動靜也

昔者舜作五弦之琴以歌南風

此

四章明樂施明禮樂前備後施布天下也中有三段一明施樂以賜諸侯也二明施樂須節既賜之所以宜節也三明禮樂所施各有本意本德世本神農作琴今云舜作者非謂舜始造也改用五弦琴特歌南風詩始自舜也五弦者無文武二弦唯宮商角徵羽之五弦也南風是孝子之詩也南風養萬物而孝子之歌也得父母生長如萬物得南風也舜有孝行故以五弦之琴歌南風詩以教理天下之孝也

夔始作樂以

賞諸侯故天子之為樂也以賞諸侯之有德者也德盛

而教尊五穀時孰

陳其合賞也若諸侯教德明盛教化尊嚴年穀豐稔故天子賞樂也天下

因而法之也

然後賞之以樂故其治民勞者其舞行級遠

音行

胡郎反級音下衛反本或作級音同此明雖得樂賜而隨功得優劣也舞位行列也綴謂續列也若諸侯治民

勞苦由君德薄王賞之以樂則其治民佚者其舞行級

短佚音逸若諸侯治民暇逸由君德盛王賞舞人多則

故可隨功賜樂殷周漸澆易生忿怨不宜猶有優劣是以同制諸侯六倫故與周禮不同也故觀其

舞而知其德觀其儔位人多少去綴近聞其謚而知其

行行音故孟反制死謚隨君德故聞死泰章章之也既

時舞則知德死則聞謚行故更引死後聞樂則知行事解之也大章堯樂也章明也民樂堯德大明故名樂

曰大章後人開大章則知堯生時德大明上章是堯德之明下章是後明於堯德白虎通云大章大明天地之道咸池備也韶繼也夏大也殷周之樂盡也天地之道

寒暑不時則疾

此則樂施章第二段明施樂須節也既必須節故引譬例寒暑天地之氣也若

寒暑不得則民多疾疫也

風雨不節則饑

風雨天事也風雨有聲形故為事也若飄灑淒厲不

有時節則穀損民饑也

教者民之寒暑也教不時則傷世

寒暑不時既為

民疾苦樂教不時則傷世俗之化也

事者民之風雨也事不節則無功

風雨

不節則民饑饉禮事不節則治無功也

然則先王之為樂也以法治也善

則行象德矣

此廣樂所以須節已言先王為樂必以法治善則臣下之行皆象君之德也夫

豢豕為酒非以為禍也

此言禮須節也豢養也言前王豢犬豕及作酒之事本以為禮

祀神祇設賓客和親族禮賢能而實非為民作禍災也

而獄訟益煩則酒之流生

禍也

此禮事也言民得豢酒無復節限卒至沈酗鬪爭殺傷而刑獄益生煩多則是酒之流害生其禍也

是故先王因為酒禮一獻之禮賓主百拜終日飲酒而

不得醉焉此先王之所以備酒禍也故酒食者所以合

歡也

此結節功也既防酒禍故飲不醉爭以時合歡適也

樂者所以象德也

此樂施章

第三段明禮樂之所施各有本意在於象德也此言樂意也言樂之所施於人本有和愛之德禮者所

以閉淫也

此言禮意也言禮之所施於人大止邪淫過失也

是故先王有大事

必有禮以哀之

民有喪則先王制哀麻哭泣之禮以有節之使其各遂哀情是禮以哀之也

大福必有禮以樂之

樂音洛大福祭祀者慶也民慶必歌舞飲食庶羞之禮使不過而各

遂歡樂是有以樂之也

哀樂之分皆以禮終

分扶問反結二事哀樂雖反皆用禮節各

終其分故云皆以禮終

樂也者施也禮也者報也

施式鼓反此第六段樂象法章

第五段不以次第而亂升在此段明禮樂用別也庾蔚之云樂者所以宣暢四氣導達情性功及物而不知其

所報即是出而不反所以謂施也禮者所以通彼之意故有往必有來所以謂報也樂樂其所自

生

此廣施也樂名所起由民下之心所樂生非有所報也

而禮反其所自始

此廣報也

反猶報也禮生無名但是事耳隨時得質文之事而報之樂章德

聞名知德若

禮報

情反始也

禮報人情而制隨質文之始也

所謂大路者天子之與也

此

下廣言禮以報為體之事與車也大路天子之車也諸侯朝天子修其職貢若有勲勞者天子賜之大路也

龍旂九旒天子之旌也

庚蔚之云龍旂九旒上公之旌

青黑緣者天子

之葆龜也

緣以絹反

從之以牛羊之羣則所以贈諸侯也

結合

上諸事皆是天子送諸侯禮也言五等諸侯朝畢反去天子贈之大路龍旂寶龜又送之以牛羊之羣也

樂

也者情之不可變者也

此第七章明樂之情與之符達鬼神合而不可變也中有三段

一明禮樂情達鬼神也二證禮樂達鬼神之事三明識禮樂之本可尊也前第六章明象象必見情故以樂主

情樂變則情變故云情之不可變也

禮也者理之不可易者也

禮主事禮別也故云

事之不可
易者也
樂統同
解情不變也
同和合之情者也
禮別異
解事不易也

禮別於尊卑之事也
禮樂之說貫乎人情矣
貫猶通也言人情莫過於同異而禮樂能

統同辨異故其
說理能通人情
窮本知變樂之情也
庾蔚之云樂能通和性分使各不失

其所是窮自然之本也
使人不
著誠去偽禮之經也
竹

慮反去卯呂反著明也
經常也著
禮樂順天地之誠
胡

練反合明禮樂也
禮出於地尊卑有序是見
達神明之

德
達通也禮樂不失則天降甘露
降興上下之神
樂六

神下八變地祇出
而凝是精粗之體領父子君臣之節
是興降上下之神

是故大人舉禮樂則天地將為昭焉

此為正偽反昭音照此樂情章第二段明

禮樂能通達鬼神之事前既云能通鬼神此明其事也大人聖人與天地合德故舉禮樂為教而天地從之大

明也天地欣合陰陽相得

欣喜也合猶蒸也禮樂化行故天氣下地氣蒸合陰陽交會故

相得也論體謂之天地論氣謂之陰陽也

煦嫗覆育萬物然後草木茂區萌

達

區音勾草木據其成體之茂區萌據其新牙故曰達達猶出也菽豆之屬直出曰萌稻稷之屬也

羽

翮奮角觫生

觫加客反羽翮鳥也角觫獸也鳥獸得天地覆育煦嫗故飛者則奮翅翮走者則生

角觫也

蟄蛰昭蘇

蟄蟲得陰陽煦嫗故皆出地上如夜得曉如死更有氣也

羽者嫗伏

毛者孕鬻

伏房富反羽鳥也毛獸也二氣既交萬物生乳故鳥生卵嫗伏之獸懷孕而生育之者也

胎生者不殯而卵生者不殯

殯音讀殯音呼覓反胎生獸也卵生鳥也懷任在內

而死曰殯卵圻不成子殯令和氣不殯殯也

則樂之道歸焉耳

庾蔚之云一論天地二氣

萬物各得其所乃歸於樂耳

樂者非謂黃鍾大呂弦歌干揚也

此樂情章

第三段明識禮樂本者為尊識末者為卑黃鍾大呂之屬故云非謂也揚舉也謂舉楯以為舞也

樂之

末節也

黃鍾已下是樂之末節也

故童者舞之

末事易之不足貴重故使童子小兒儻奏

之布筵席陳樽俎列籩豆以升降為禮者

此亦明末也用禮之本在

著誠去偽安上理民不在鋪筵席樽俎升降為禮之事也禮之末節也

布筵以下是禮之末節也

故有司掌之

有司典禮小官也末節事易解不為可重故小官掌其事也

樂師辨乎

聲詩故北面而弦

此更引事證樂師曉樂者辨別聲詩聲謂歌也言樂師雖能別歌詩並是

末事故北面言坐處卑也

宗祝辯乎宗廟之禮故後尸

此禮事也宗祝大祝即有

司之屬也雖能分別正宗廟之禮然佐於尸而非為敬之主為卑故在尸後也

商祝辯乎喪禮

故後主人

商祝者殷商之神祝習商家神祀以相佐喪事故云辨喪禮具雖掌喪事而非發喪之主

故在主人後言立處賤也

是故德成而上

上謂堂也德成謂人君禮樂德成則為君故居堂上

南面尊之也

執成而下

下堂下也執成謂樂師伎藝雖成唯識禮樂之末故在堂下北面卑之也

行成而先

行胡孟反先猶前也尸及喪主也行成謂尸尊而人孝故為行成

事成而後

事為劣故為在宗商二祝也識尸及主人後也

是故先王有上有下有先有後

然後可以有制於天下也

故先王使上下前後尊卑分乃可制禮作樂以班於天下也

如周公六年乃為禮也

樂者聖人之所樂也

此樂施章第三段後也誤在此闕淫之後

又用此章廣為象其德故云聖人之所以觀德也

而可以善民心其感人深其

風移俗易故先王著其教焉夫人有血氣心知之性

此

五章名言樂明樂歸趣之事中有三段一言人心隨王之樂也二明前王制正樂化民也三言邪樂不可化民

也前既以施人人必應之言其歸趣也此言人心隨王之樂也夫人不生則已既已生必有血氣心知之性也

而無哀樂喜怒之常

性合五常之行有喜怒哀樂之分但其發無常時隨外境所觸故亦

無常也應感起物而動

解所有四事之由也緣外故來感心心觸感來起動應之故有上四

也然後心術形焉是故微焦哀之音作而民思憂

殺音所界

反又色例反思音先利反此以下皆言心樂感而應見外事也若人君叢性情志細劣其樂音噍臧殺急不舒

緩也音既局促故民應之無憂也 嘽緩慢易繁文簡節之音作而民康

樂嘽昌單反易以致反樂音洛嘽綽也緩和也慢疏也 繁文多也康和樂安也言人君道德綽和疏易則樂

音多文采與節奏簡畧而下民所以安 粗厲猛起奮末廣賁之音作而民

剛毅粗音麓賁房粉反又音墳粗畧也厲嚴也猛剴起動也末支體也廣大也憤氣充也言人君若性麓

嚴剴動而四支奮躍則樂充大民應之所以剛毅也 廉直經正莊誠之音作而民

肅敬經音勁言人君廉直勁而剴正則樂音矜嚴而誠信故民應之所以肅敬也 寬裕肉好

順成和動之音作而民慈愛

肉仁救反好火到反肉肥也謂音如肉之肥言人君

寬容肥好則樂音順成而和動故民應之所以慈愛也

流辟邪散狄成滌濫之音

作而民淫亂

辟反亦反邪音斜狄音惕狄滌皆往來疾速也往來速而成故云狄成往來疾而僭濫

故云滌濫也言君上流淫縱辟回邪放散則樂音有往來速疾僭差之響故民應之而淫亂也心本無此六事由隨王是故先王本之情性

此言樂章第二段也前言民隨樂變此言先王制正

樂化民也言聖人制樂必本人之性情也稽之度數制之禮義

稽考也制樂又考天地度

數為之如律呂應十二月八音應八風之屬也合生氣之和道五常之行

道音導行

故孟反使之陽而不散陰而不密

陽謂稟陽氣多人也氣舒散人稟陽多則

奢陰氣閑密人稟陰多則密績今以樂通二
者之性皆使中和故陽者不散陰者不密也
劉氣不怒

柔氣不懾

懾之涉反懼也性劉者好怒柔者好懼
今以樂和使各得其所不至怒懼也

四暢

交於中而發作於外

四陰陽劉柔也暢通也交互也
心也今以樂調和四事通暢交互

於中心而行用舉動發於
外不至散密怒懾者也

皆安其位而不相奪也

此結
樂為

本情性之事也開陽開陰抑劉引柔悉使
中庸故天下安其位無復相侵奪之也

然後立之學

等

前用樂陶情和暢然後乃以樂語樂舞二事
教之民各隨已性才等差而學之以備分也

廣其節

秦省其文采以繩德厚也類小大之稱比終始之序以

象事行使親疎貴賤長幼男女之理皆形見於樂

此結
本人

之情以下緣本而教親疏以下之理悉章著樂功使聞者皆知而見緝睦情也故曰樂觀其深

矣

此引古語證觀感人之深矣

土敝則草木不長水煩則魚鼈不大

此言樂章第三段言邪樂不可化民將言樂之由故此以前以天地為譬此以地為譬也弊猶勞熟猶數攪動也

土過勞熱水過撓動則草木魚鼈不長大也

氣衰則生物不育

此以天譬也氣者天時氣

也氣若衰微則生物不復成遂也

世亂則禮廢而樂淫

此合譬也世謂時世亂其禮不

備樂不節故流淫過度水土勞弊則草木魚鼈不長大如時世濁亂之禮樂不可為化矣

是故其聲

哀而不莊樂而不安

樂音洛此證樂淫之事也淫樂則聲哀而無莊故雖奏以自樂必致

傾危非自安之道故云樂而不安若闕雅樂而不淫哀而不傷則是有莊敬而安者也

慢易以犯

節

易以鼓反言無莊敬慢易也無節奏故云犯節也即是哀而不莊也

流湏以忘本

湏音沔靡

靡無窮失於終止故言忘本即樂而不安之義也

廣則容姦

言淫慝禮樂聲無節也廣聲緩也容

含也其聲緩者則含容姦偽也

狹則思欲

狹聲急也其聲急者則思欲之攻也

感滌蕩之

氣而滅平和之德

感動也言此惡樂能動善人滌蕩之善氣使失其所而滅善人平和之德

也

是以君子賤之也

君子用樂調和是故賤於動滅平和之氣也

凡姦聲感

人而逆氣應之

此第六章名象法也本第八失次也明人君作樂則天地必法象應之中有五

段一明淫樂正樂俱能成象二明君子所從正樂皆有本非可假偽四證第三段有本不偽之由五明禮樂之

用前有證故明其用別也今此明淫正二樂具能成象故先言淫樂為習應人事也言君奏姦聲之樂以感動

人民則天地應之而生逆亂之氣也逆氣成象而淫樂興焉興生也若逆氣流行於世

而民又習之為法故云成象既習亂為法故民之樂聲生於淫佚也正聲感人而順氣應

之順氣成象而和樂興焉言順氣流行民習成法故樂聲亦生於和也倡和

有應倡音昌尚反和胡卧反君唱之天地和之民應之故云唱和有應也回邪曲直各歸

其分分房問反此是有應也回邪不正也曲折也直不邪也言相應和表直影正表曲影邪各歸其分也

而萬物之理以類相動也姦聲致慝正響招順是以天下萬物之理各隨君善惡以

類而相動也是故君子反情以和其志此樂象章第二段也明君子從正樂也君

子人君也反猶本也民下所習既從於君比類以成其故君宜本情不使流宕以自安和其志也

行

行故孟子反萬物之理以類相動故君子比於正類以成己行也

姦聲亂色不留聰明

淫樂廢禮不接於心術情慢邪辟之氣不設於身體

以此

下皆反情性之類事也術道也既本情和志又比類成行故姦聲亂色不留視聽淫樂穢禮不與心道相接情慢邪僻不設置已身也聲色是事故使耳目鼻口心知云聰明而氣無形故於身為設也

百體皆由順正以行其義

百體謂身體百節既不行姦亂已下諸事故能使諸行並

由順正以行其德美化其天下也不留聰明於姦聲亂色故耳目得順正也不用心術接淫慝禮樂故心知得順正也不設身於情僻故百體得順正也不言鼻口者嗜不一也亦因戒臭味順正也

然後發以

聲音文以琴瑟

其身已正故然後乃可制樂為化故用歌之音聲內發已之德用琴瑟之響外

發已之行歌者在上此是堂上之樂故前明之也

動以干戚飾以羽旄從以簫

管

又用干戚羽旄簫管從而播之絲竹在下此是堂下之樂故後明之也

奮至德之光動

四氣之和以著萬物之理是故清明象天廣大象地終

始象四時周旋象風雨

歷解樂所以能通天地言歌聲清明是象天氣也廣大謂鍾鼓

有形質是象地形也謂奏歌周而復始如四時循環也若樂六變九變謂舞人迴旋如風雨從天而下也五

色成文而不亂八風從律而不姦百度得數而有常小

大相成

小大謂日晦小大相通以成歲也賀瑒云十二律互相為宮羽而相成也

終始相生

歲月終而更始也賀瑒云五行宮商迭相為終始也

倡和清濁代相為經

代更也經常也

日月半歲陰陽更相為常也即還相為宮也

故樂行而倫清

謂上正樂之行也謂下事張本

也即樂行之事也由正樂既行故人民之道清也

耳目聰明

不視聽姦亂故視聽聰明

血氣

和平

口鼻心之百體皆由從正故血氣和平

移風易俗天下皆寧

既皆由從正以

行其義故風移俗革天下陰陽皆安寧移是移徙之名易是改易之稱也文王之國自有文王之風樂紂之邦

亦有桀紂之風桀紂之後文王之風被於紂民易故曰前之惡俗從今之善俗上行謂之風下習謂之俗

樂者樂也

引舊語樂名廣證前事也前事邪正之樂雖異並是其人所樂故名曰樂也

君子

樂得其道

雖其所樂而名為樂而人心不同故所樂有異有異而名通故皆名樂君子堯舜也道

謂仁義故制

小人樂得其欲

小人桀紂也人欲邪淫也

以道制欲則

樂而不亂

若君在上小人在下君子樂用仁義以制小人之欲則天下安樂而不取為亂也

以欲

忘道則惑而不樂

若小人有上君子在下則小人肆縱其慾忘正道而天下從化皆為亂惑

不得是故君子反情以和其志

若有道制欲則是君子以欲忘道則為小人故

君子之人本情修性以和其志不

廣樂以成其教

內本清和志而

外又廣於樂以成其教然後

樂行而民鄉方

君上內和志行樂教

流行故民皆向君子之道即仁義制欲者故樂行而倫清以至天下安寧也

可以觀德矣

樂結

使人知上之事

德者性之端也

此樂象章第三段明邪正有本皆可為也德得

理也性之端本也言人稟性皆以得理為本也

樂者德之華也

得理於內樂為外故云德華也

金石絲竹樂之器也

歷解飾所須也樂為德華若莫之能用故須金石之器也

詩言其

志也

前金石為器須用詩述申其志志在心不述不暢故用詩述之也

歌詠其聲也

直若

述其志則無溫藉之美故又長言歌詠使聲音之美可得而聞之也

舞動其容也

若直詠歌未暢

故又舉手蹈足以動其形容也

三者本乎心然後樂氣從之

三者志聲容也樂氣

詩歌舞也君子前有三德為本乎心後乃詩歌舞可觀故云然後樂氣從之也

是故情深而文

明

德為性本故曰情深也樂為德華故云文明

氣盛而化神

歌舞蹈樂氣從之故云氣盛天

下咸寧故曰化神也

和順積中而英華發外唯樂不可以為偽外內

符合而無有虛假不可以為偽也

樂者心之動也

此樂象章第四段也明證前第三段樂本

之事緣有前境可樂而心動
應之故云樂者心之動也

聲者樂之象也

象法也樂舞無聲則

不彰故聲為樂之法也

文采節奏聲之飾也

若直有聲而無法度故須文采節奏

聲之儀飾也

君子動其本

本德也心之動必應德也

樂其象

德行必應法也然後

治其飾

飾文采節奏也前動心有德次行樂有法然後乃理其文飾也

是故先鼓以警

戒

此引武王伐紂之事證前有德後有飾也武王聖人是前有德也而用此節奏是後有飾也先鼓者為武

王伐紂未戰之前鳴皮鼓以警戒使軍眾逆備也今作武王樂者未奏之前鳴皮鼓以教人使預備具也是明

志後有事也

三步以見方

見胡練反三步只三步也見方謂方戰也武王伐紂未戰之前兵士

樂奮其勇出軍陣前三步示勇氣方將戰也今作樂象之續列畢而儻者將欲儻先舉足三頓為步以表方將

儻之再始以著往也文王受命十一年而武王除喪軍

至孟津觀兵曰紂未可伐也乃還師是一始也至十三

年更興師代之是再始也今舞武者前成列將欲舞而

不儻是一始也去復更來是二過復亂以飾歸也復者伏

始明象武王再往故云再始著往也復亂以飾歸也復者伏

勒後亂者紂凶亂而安復之飾歸者武王伐紂勝鳴金饒

整武而歸也以去秦皮鼓歸秦金饒者皮文也金武也

初示文德使紂自敗之則不伐紂既不敗因而用兵用

兵既竟故鳴金饒而歸示用已竟也今秦武儻初皮鼓

警衆末鳴饒以歸象伐疾疾而不拔也謂舞形也奮迅

紂已竟也饒鐙鐸也奮疾而不拔也疾速也拔傾側

也伐紂時士卒歡喜奮迅急速以尚威勢猛而極幽而

不傾側也今武舞亦奮迅急而速不傾側象極幽而

不隱

皆謂文末

獨樂其志不厭其道

言武王諸將人各欣悅象武王有德

天下之志並無厭
干戈君臣之道

備舉其道不私其欲

緣人人不厭故
作樂者事事法

之欲備舉武王之道耳
非為私情之所欲也

是以情見而義立

不厭武王之
道其情既見

則不私其欲
義亦立也

樂終而德尊

為樂之理既終是象德
之事其德亦尊顯也

君子

以好善小人以息過

樂理周足象德可尊以教世何往
而不可君子聞之則好善小人聞

之則改
過也

故曰生民之道樂為大焉

此引舊語結
樂道之為大

君子曰

禮樂不可以斯須去身

此第十章名為樂化章第十以
化民故次賓年賈成第十也其

章中皆言樂陶化為善也凡四段一明人生禮樂恒與
已俱也二明禮樂不可偏用各有一失也三明聖人制
禮作樂之由也四明聖人制禮作樂天下服從此初段
人生禮樂恒與已俱也恒故能化化故在前也引君子

之言以張本也斯湏俄頃也失之者死故俄頃不可去身者也致樂以治心則易直子

諒之心油然而生矣易直子諒之心生則樂樂則安安則

久久則天天則神天則不言而信神則不怒而威致樂

以治心者也

結所由也有威信由於深審樂以結心之故

致禮以治躬者也

前明樂治心今明禮檢迹若深審於禮以治身則莊敬也鄭元云禮自外作故治身也

治躬則莊

敬莊敬則嚴威

既身莊敬儼然人望而畏之是威嚴也治內難見發明樂句多治外易觀發明

禮句少而又結也

心中斯湏不和不樂而鄙詐之心入之矣外

貌斯湏不莊不敬而慢易之心入之矣故樂也者動於

內者也禮也者動於外者也樂極和禮極順內和而外
順則民瞻其顏色而弗與爭也望其容貌而民不生易
慢焉德煇動乎內而民莫不承聽理發乎外而民莫不
承順故曰知禮樂之道舉而錯之天下無難矣

錯七故反引奮

證民莫不承聽莫不承順也聖王有能詳審極致禮樂之道舉而措之於天下天下悉從無難為之事也樂

也者動於內者也禮者動於外者也

此樂化章第三段也明禮樂不可偏

用各有一失既方明所失故前更言其所發外內不同也動亦感觸故禮主其謙樂主其

盈禮謙而進以進為文樂盈而反以反為文禮謙而不進

則銷樂盈而不反則放故禮有報而樂有反禮得其報則樂樂得其反則安禮之報樂之反其義一也夫樂者

樂也人情之所不能免也

此樂化章第三段也明聖人所以制樂由人樂於歌舞故

聖人制樂以和樂之故云樂者樂也但惟樂是人所貪貪不能自止故云人情也

樂必發諸聲

音形於動靜人道也聲音動靜性術之變盡於此矣故人不能無樂樂不能無形形而不為道不能無亂先王惡其亂故制雅頌之聲以道之使其聲足以樂而不流使其文足以綸而不息使其曲直繁省廉肉節奏足以

感動人之善心而已矣不使放心邪氣得接焉是先王
立樂之方也是故樂在宗廟之中君臣上下同聽之則
莫不和敬在族長鄉里之中長幼同聽之則莫不和順
在閨門之內父子兄弟同聽之則莫不和親故樂者審一
以定和比物以飾節節奏合以成文所以合和父子君臣
附親萬民也是先王立樂之方也故聽其雅頌之聲志
意得廣焉

前云先王制之聲音形於動靜故此證其事也此是發於聲音也民聽正聲得益盛德之

美志意得廣大也

執其干戚習其俯仰詘信容貌得莊焉行其

綴兆要其節奏行列得正焉進退得齊焉故樂者天地

之齊中和之紀人情之所不能免也夫樂者先王之所

以飾喜也

此樂化章第四段也明樂惟聖人在上者制作天下乃從服也若內有喜則外歌舞以飾

之故云王以樂飾喜也

軍旅鈇鉞者先王之所以飾怒也故先王

之喜怒皆得其齊矣喜則天下和之怒則暴亂者畏

之先王之道禮樂可謂盛矣魏文侯問於子夏曰

此章第八

明文侯問也文侯故晉大夫畢萬之後見子夏而問於樂也

吾端冕而聽古樂

此文侯問

事也謂玄冕凡冕服其制正幅袂二尺二寸故稱端也
着玄冕衣與玄端同色故曰端冕聽古樂也此當是廟

中聽樂玄冕祭服也

則唯恐卧聽鄭衛之音則不知倦敢問古樂

之如彼何也新樂之如此何也子夏答曰今夫古樂進

旅而退旅

子夏之答凡有三初則舉古禮次新樂以酌問意又因更別說以誘引文侯欲使更問也

此是答述古樂之情旅衆也

和正以廣弦匏笙簧合守拊鼓

拊音敷武反拊

一名相亦奏古笙樂也弦琴也匏瓠屬也四十六簧笙十九至十三簧也簧施於匏笙之管端者也合會也守待也拊者皮為之以糠實如革囊也用手撫之鼓也言奏弦匏笙簧之時若欲令堂上作樂則撫拊堂上樂工聞撫拊乃弦歌也若欲令堂下作樂則擊鼓堂下樂工聞鼓乃吹管搖樂也言弦匏笙簧皆待拊為節故言會守拊鼓也

始奏以文止亂以武治亂以相訊疾以雅君子於是語

於是道古修身及家平均天下此古樂之發也今夫新

樂進俯退俯

此第二述雜樂也俯曲也新樂行列不齊而進退曲也

姦聲以淫溺

而不止及優侏儒獲雜子女不知父子樂終不可以語

不可以道古此新樂之發也

比結新樂答也

今君之所問者樂

也所好者音也

此第三別誘引文侯更問前故說此句言文侯所問乃是樂而好鏗鏘之音非

律呂克諧之正樂也

夫樂之與音相近而不同文侯曰敢問如何

子夏答曰夫古者天地順而四時當

當丁浪反此答古樂之由也天地從

四時當聖人在上故也

民有德而五穀昌疾疫不作而無祲祥此

之謂大當然後聖人作為父子君臣以為之紀剛紀剛
既正天下大定天下大定然後正六律和五聲弦歌詩
頌此之謂德音德音之謂樂詩曰莫其德音其德克明
克明克類克長克君王此大邦克順克俾俾於文王其
德靡悔既受帝祉施于孫子此之謂也今君之所好者
其溺音與文侯曰敢問溺音者何從出也子夏答曰鄭
音好濫淫志
子夏歷述四國之所由以答文侯也宋音燕女溺志衛音趣
數煩志齊音騫辟驕志四者皆淫於色而害於德是以

祭祀不用也詩曰肅雍和鳴先祖是聽夫肅肅敬也雍雍和也夫敬以和何事不行為人君者謹其所好惡而已矣君好之則臣為之上行之則民從之詩曰誘民孔易此之謂也然後聖人作為鞀鼓柷敔簫篪此六者德音之音也然後鍾磬筦瑟以和之干戚旌狄以舞之此所以祭先王之廟也所以獻醕醑酢也所以官序貴賤各得其宜也此所以示後世有尊卑長幼序也鍾聲鏗鏗以立號號以立橫橫以立武君子聽鐘聲則思武臣

石聲硜硜以立別別以致死君子聽磬聲則思死封疆
之臣絲聲哀哀以立廉廉以立志君子聽琴瑟之聲則
思志義之臣竹聲濫濫以立會會以聚衆君子聽笙簫管之
聲則思畜聚之臣鼓鼙之聲謹謹以立動動以進衆君子聽鼓鼙
之聲則思將帥之臣君子之聽音非聽其鏗鎗而已也彼亦有所
合之也賓牟賈侍坐於孔子此第九章名賓牟賈問者蓋孔子之問本為牟賈而設故云牟
也孔子與之言及樂曰夫武之備戒之已久何也此孔子問
牟賈及樂之事凡問有五此其一也備戒者謂將欲作樂前鳴鼓警戒使樂人各備容儀言初欲奏樂時既已

備戒使有節奏故令武備者備戒已久疑其遲久故問之也

答曰病不得其衆也

賈

答也亦有五而二答是三答非今答是也言武王伐紂時憂不得衆心故前鳴鼓戒衆久之乃出戰也故今舞

者久久乃出象武王憂不得衆心故也

永嘆之淫液之何也

此第二問也

答曰

恐不逮事也

此答亦是也言衆士望武王欲伐速恒恐不及伐事之機故有詠嘆淫液之聲

發

揚蹈厲之已蚤何也

第三問也發初也揚舉袂也蹈頓足踴地厲顏色勃然如戰色也問

樂舞何意發初揚袂又蹈頓足踴地勃然作色何忽如此何也

答曰及時事也

此答非也牟賈

意言發揚蹈厲象武王一人意欲及時之事故早為此者也鄭亦隨賈意注之也

武坐致右憲

左何也

憲音軒第四問也坐跪也致至也

答曰非武坐

軒起也問舞人何忽有時而跪也

也此答亦非也年賈言武奮之士不應有坐也聲淫及商何也第五答曰非

武音也此答又非也子曰若非武音則何音也孔子評其答武音不貪但

不知其實解理空言其非反問也答曰有司失其傳也傳直緣反賈答言武王伐有貪

是有司傳之謬妄故有此矣如非有司失其傳則武王之志荒矣賈又

云假令非傳者繆妄則是武王末年志荒菴之時故有貪商之聲也子曰唯丘之聞諸

萇弘亦若吾子之言是也萇音直良反吾子年賈也言我聞萇弘所言亦如賈今所

言之賓牟賈起免席而請曰免猶避也前所答四事五不被叩問今疑不知前答

之是非故起所疑而問也夫武之備戒之已久則既聞命矣敢問遲

次定曰車三言史記正義三

之遲而又久何也子曰居吾語汝夫樂者象成者也總

干而山立武王之事

此下明應象成之事也答所以遲也象武王伐紂持楯立以待諸侯

至故云武發揚蹈厲太公之志也

答遲久已竟而年賈前答發揚蹈厲以為

象武王欲及時事非也言此是太公志耳太公相武王伐紂志願武王之速得自奮其威勇以助之也

武

亂皆坐周召之治也

賈前答武坐非也因又為之說言言當伐紂時士卒行伍有亂者周

召二公以治正之使其跪敬致右軒左以待處分故今八佾象闢時之亂挨相正之則俱跪跪乃更起以作行

列象周召之事耳

且夫武始而北出

說五事既竟而遲久之意未周故更

廣其象成之事答前五事故云且夫也始而北出者謂奏樂象武王觀兵孟津之時也王居鎬在南紂居朝歌

在河北故僂者南來

再成而滅商

再成謂僂者再來秦時也僂者初始前一

向北而不僂象武王前觀孟津不伐而反也至再往而向北遂秦成擊刺

三成而南

僂者第三秦往

而轉向南象武王勝紂向南還鎬之時也

四成而南國是疆

僂者第四秦象周太平時南方

荆蠻並來歸服為周之疆界

五成而分陝周公左召公右

僂者至第五秦而東

西中分之為左右二部象吳太平後周公召公分職為左右二伯之時

六成復綴以崇天

子夾振之而四伐盛振威於中國也

夾音古合反夾振謂武王與大將軍

夾軍而奮鐸振動士卒也言當奏武樂時亦兩人執鐸夾之為節之象也凡四伐到一止當伐紂時士卒皆四

伐一止也故牧誓云今日之事不過四伐五分夾而進伐是也故作武樂僂者亦以干戈伐之象也

事蚤濟也久立於綴以待諸侯之至也且夫女獨未聞

牧野之語乎

今衛州所理汲縣即牧野之地也更欲語年賈秦武樂遲久之意其語即下所陳是

也武王克殷反商未及下車

車戎車也軍法一車三人乘之步卒七十牧誓云戎

車三百兩則二萬二千五百人也

而封黃帝之後於蓊封帝堯之後於

祝

地理志云平原即祝阿縣也蓊音計幽州縣是也

封帝舜之後於陳

陳州宛邱縣故

陳城是也

下車而封夏后氏之後於杞

汴州雍邱縣故杞國

封殷之後

於宋封王子比干之墓釋箕子之囚使之行商容而復

其位庶民弛政庶民倍祿濟河而西

濟渡也河黃河也武王伐紂事畢從

懷州河陽縣南渡河至洛州從洛城而西歸鎬京也馬散華山之陽而弗復乘

牛散挑林之野而不服

示無復用服亦乘也挑林在華山之旁此二處並是牛馬放生

地初伐就此取之今事竟歸之前處故尚書武成篇序云武王伐殷往伐歸獸是也車甲弢而藏

之府庫而弗復用倒載干戈苞之以虎皮將率之士使為諸侯名之曰建橐然後天下知武王之不復用兵也散軍而郊射左射豸首右射騶虞而貫革之射息也裨冕搢笏而虎賁之士稅劒也祀乎明堂而民知孝朝覲然後諸侯知所以臣耕籍然後諸侯知所以敬五者天

下之大教也食三老五更於太學天子袒而割牲執醬而饋執爵而醕冕而總干所以教諸侯之悌也若此則周道四達禮樂交通則夫武之遲久不亦宜乎子貢見師乙而問焉曰賜聞聲歌各有宜也如賜者宜何歌也師乙曰乙賤工也何足以問所宜請誦其所聞而吾子自執焉寬而靜柔而正者宜歌頌廣大而靜疏達而信者宜歌大雅恭儉而好禮者宜歌小雅正直清廉而謙者宜歌風肆直而慈愛者宜歌商溫良而能斷者宜歌

齊夫歌者直已而陳德動已而天地應焉四時和焉星辰理焉萬物育焉故商者五帝之遺聲也商人志之故謂之商齊者三代之遺聲也齊人志之故謂之齊明乎商之詩者臨事而屢斷明乎齊之詩者見利而讓也臨事而屢斷勇也見利而讓義也有勇有義非歌孰能保此故歌者上如抗下如隊曲如折止如橐木居中矩句中鉤累累乎殷如貫珠故歌之為言也長言之也說之故言之言之不足故長言之長言之不足故嗟嘆之嗟嘆之不足故不知手之舞之足

之蹈之子貢問樂

結此前事。是答子貢問之事。其樂記者公孫尼子次撰也。為樂記通天

地貫人情。辨政治。故細解之。以前劉向別錄篇次與鄭目錄同。而樂記篇次又不依鄭目。今此又篇次顛倒者。以褚先生升降故。今亂也。今逐舊次第隨段記之。使後畧知也。以後文出褚意耳。凡音由於人

心天之與人。有以相通。如景之象。形響之應。聲故為善者。天報之以福。為惡者。天與之以殃。其自然者也。故舜彈五弦之琴。歌南風之詩。而天下治。紂為朝歌北鄙之音。身死國亡。舜之道何弘也。紂之道何隘也。夫南風之詩者。生長之音也。舜樂好之。樂與天地同意。得萬國之驩心。故

天下治也夫朝歌者不時也北者敗也鄙者陋也紂樂

好之與萬國殊心諸侯不附百姓不親天下畔之故身

死國亡而衛靈公之時

時衛都楚邱楚故城在宋楚邱縣北三十里衛之楚邱邑也

將之晉至於濮水之上舍

括地志云在曾州離狐縣界即師延投處也

夜半

時聞鼓琴聲問左右皆對曰不聞乃召師涓曰吾聞鼓

琴音問左右皆不聞其狀似鬼神為我聽而寫之師涓

曰諾因端坐援琴聽而寫之明日曰臣得之矣然未習

也請宿習之靈公曰可因復宿明日報曰習矣即去之

晉見晉平公平公置酒於施惠之臺

一本慶祁之堂左傳云虎祁之宮杜

預云虎祁地名也在絳州西四十里臨汾水也

酒酣靈公曰今者來聞新聲請奏

之平公曰可即令師涓坐師曠旁援琴鼓之未終師曠撫而止曰此亡國之聲也不可聽平公曰何道出師曠曰師延所作也與紂為靡靡之樂武王伐紂師延東走自投濮水之中故聞此聲必於濮水之上先聞此聲者國削平公曰寡人所好者音也願遂聞之師涓鼓而終之平公曰音無此最悲乎師曠曰有平公曰可得聞乎

師曠曰君德義薄不可以聽之平公曰寡人所好者音也願聞之師曠不得已援琴而鼓之一奏之有玄鶴二八集乎廊門再奏之延頸而鳴舒翼而舞平公大喜起而為師曠壽反坐問曰音無此最悲乎師曠曰有昔者黃帝以大合鬼神今君德義薄不足以聽之聽之將敗平公曰寡人老矣所好者音也願遂聞之師曠不得已援琴而鼓之一奏之有白雲從西北起再奏之大風至而雨隨之飛廊瓦左右皆奔走平公恐懼伏於廊屋之

間晉國大旱赤地三年聽者或吉或凶夫樂不可妄興也

太史公曰夫上古明王舉樂者非以娛心自樂快意恣欲將欲為治也正教者皆始於音音正而行正故音樂者所以動盪血脉通流精神而和正心也故宮動脾而和正聖商動肺而和正義角動肝而和正仁徵動心而和正禮羽動腎而和正智故樂所以內輔正心而外異貴賤也上以事宗廟下以變化黎庶也琴長八尺一寸正

度也弦大者為宮而居中央君也商張右傍其餘大小相次不失其次序則君臣之位正矣故聞宮音使人溫舒而廣大聞商音使人方正而好義聞角音使人惻隱而愛人聞徵音使人樂善而好施聞羽音使人整齊而好禮夫禮由外入樂自內出故君子不可須臾離禮須臾離禮則暴慢之行窮外不可須臾離樂離樂則姦邪之行窮內故樂音者君子之所養義也故古者天子諸侯聽鐘磬未嘗離於庭卿大夫聽琴瑟之音未嘗離

於前所以養行義而防淫佚也夫淫佚生於無禮故聖王
使人耳聞雅頌之音目視威儀之禮足行恭敬之容口
言仁義之道故君子終日言而邪辟無由入也

史記正義卷二十四